

金史紀事本末

金史紀事本末卷十八

賜封資政大夫 特賞內閣中書前江西峽江訓導萍鄉卒有棠編纂

熙宗刑政得失

太宗天會十三年春正月己巳太宗崩年六十一諡

曰文烈皇帝葬和陵

疾異苗耀神麓記云太宗患風疾半身不遂約一年至是年元

旦見佛像在日傍從者皆覩遂僵仆尋殂張滙節要

云紹興四年冬烏奇邁以病死時諸軍在江上未歸

不敢發喪至次年軍回乃告各路趙子砥燕雲錄云

金置庫積財惟行兵用之國主私用過度諸班告粘

罕請罪之扶下殿杖二十羣臣謝罪繼

時過蓋其說誕妄不足信紀均未載

即位本名哈喇

喝囉熊克小紀云小名哈爾滿

孫豐王宗浚

攷異洪皓松漠紀聞作繩果云勝果死其

妻為庫堪所收庫堪乃宗幹小名蓋視直如己子因勸立之婆盧火傳太宗天會六年將亦名繩果另一人子母曰富察氏先是安班貝勒果卒太宗意未決

會宗翰原作宗輔里盟入朝與宗幹固請立為儲

嗣至是襲位不改元攷異續通考云是年正月辛巳太白晝見凡四十餘日伏天眷

二年五月戊子八月丁丑太白均經天八年十月甲子太白

晝見十一月壬申太白經天十月甲子太白

二月丙寅太白晝見詳五行志三月甲午以都元帥宗翰為太保領三省事夏五月甲申左副元帥宗

輔卒攷異沈炳震廿一史四譜熙宗朝宰輔領三省事者宗翰宗磐宗幹宗嵩宗弼宗賢宗敏宗本

及蕭仲恭完顏勗海陵丞相則希尹宗固完顏充及秉德韓企先平章則完顏奔完顏昂劉筈左右丞則

高慶裔蕭慶宗憲李德固秋九月壬申追尊皇考

唐括辨完顏稟均見本紀

豐王爲景宣皇帝廟號徽宗皇妣富察氏爲惠昭皇

后改葬興陵戊寅尊太祖后赫舍哩原作范氏爲太

皇太后改異紀書二月己巳迫謚太祖后唐古氏曰聖穆皇后費摩氏曰光懿皇后與此爲三

太宗后唐古原作唐括氏亦尊爲太皇太后 冬十一月

以尙書令宋國王宗磐原作蒲盧虎亦作蒲魯虎本名富勒呼攷異汪輝祖金史

同名錄云卷十五宣宗興定三年治書侍御史卷五

十宗室表肅宗子崇國公康宗子謀良虎子猛安卷

八十一夾谷謝奴傳太祖時總管五人同名蒲魯虎

亦爲蒲盧渾子名阿虎迭見卷六十三海陵昭妃阿

里虎傳與卷一百二十武定節度同名又作阿虎特爲太師希尹原作兀室爲尙書

左丞相高慶裔爲左丞蕭慶爲右丞 十二月癸亥

以京師鹿圍賜貧民攷異洪皓松漠紀聞云鹿頂合燕以壯者方可車須是未解角

之前才解角血脉通冬至方解好者有人字不好者
成八字有髓眼不實北人謂角為鹿角合頂為鹿頂
合南鹿不實定有髓眼不可車北地角未老不至秋
時不中又麋角與鹿角不同麋角如駝骨通身可車
卻無紋鹿頂骨有紋上下無之亦可熏成紋按鹿角
解於五月此云冬至恐誤續通考云十三年詔公私
禁酒先是天會初始命樵酤官以周歲為滿至大定
二年詔宗室私釀者從轉運司鞠治三年命設軍百
人禁兵馬司同酒使副台千人巡察八年更定酒使
司課及五萬貫以上者注右職二十七年改收麴錢
聽民酤承安初令酒務元額上通取三分作糟酵錢
大金國志云是冬宗盤攻育骨子敗之由是失歸附
心諸部解體志又作蒙古云金初起嘗假兵於
蒙古及得國不償元約遂有怨言紀均未載

熙宗天會十四年春三月壬午以太保宗翰太師宗
磐太傅宗幹並領三省事 秋八月丙辰追尊九代

祖以下曰皇帝皇后定始祖景祖世祖太祖太宗廟

皆不祧時程案上疏請詔有司定議諡號上慰祖宗

國志云是秋劉豫乞師侵宋遣兀朮提兵黎陽以觀

丁酉夜中星搖九月癸未有星大如缶起西南流於

正西十一月己巳狼星搖丙寅日中有黑子斜角交

十五年夏六月庚戌尙書左丞高慶裔轉運使劉思

有罪伏誅攷異大金國志云是春左丞慶裔以贖下

罕故先折其羽翼斬於會寧府市所載較詳秋七月

續通考云是年正月戊辰歲星犯積尸氣

辛巳宗翰卒丙戌夜京師地震封皇叔宗雋原作

額爾袞等爲王丁亥汰兵興濫爵冬十月乙卯以達

蘭原作爲左副元帥宗弼原作爲右副元帥十一月

丙午廢齊國置行臺尙書省於汴 十二月癸未命

韓昉耶律紹文等編修國史以勗本名烏頁一作烏

史同名錄云本名烏也卷六十五野攷異汪輝祖金

戶姓特里失氏卷九十二克甯傳太宗時肇州防禦

使姓唐括氏三人同名烏也又卷八十三椿年傳本

名海陵時參政姓納合氏卷一百三十六元宜傳正

隆時猛安姓唐括爲尙書左丞同平章事本傳穆宗

氏三人同名烏野爲尙書左丞同平章事第五子剛

正寡言海陵方用事會議後至勗面責之封秦漢國

王太師領三省事子宗秀官昭義節度使廣平郡王

續通鑑烏野作烏延云好學平汴唯載書數車旣掌

修國史自始祖以下十帝綜爲三卷詳畧得體嘗奏

上太祖實錄二十卷又作女直郡望姓氏譜字勉道

國人稱爲秀才同掌國史者尙有耶律迪延原作迪

越見勗傳嗣後宗弼修太祖實錄皇統八年進良弼

修太宗實錄天德七年進又睿宗實錄大定十一年

進國史院修世宗實錄明昌四年進王若虛修章宗

實錄興定四年進又修宣宗實錄正大五年進承安

五年楊廷秀言編太祖太宗世宗熙宗四朝聖訓又
正大四年史奕進世宗遺訓所載甚詳大金國志云
是年大內都點檢出忍質之子
與國主元妃亂並伏誅紀未載

天眷元年春正月戊子朔頒女直小字

攷異熙宗所製女真小字

用以譯經史試科舉迨蒙古字行而女真字遂中輟
明祕閣書目尙有女真字母一書今亦失傳見滿州
源流二月壬戌如約羅春水己巳詔罷拉林原作

水混同江護邏地與民耕牧三月庚寅以禁院隙地

分給百姓

夏四月壬午立妃費摩

原作裴滿

氏爲皇后

攷異熙宗紀作立爲貴妃恐誤洪皓松漠紀聞作圖
克坦氏續通考云裴滿達本名忽撻婆盧本部人質
直孝友天輔六年從蒲家奴追叛寇於鐵呂川力戰
有功熙宗娶其女是爲悼平后拜太尉徐國公進封
王又云是夏見一蒼龍一爪承一嬰
兒爲龍所戲畧無懼色三日如故

五月己亥詔

以經義詞賦兩科取士秋八月甲寅朔頒行官制

異攷

金國聞見錄載詔畧云可則循否則革事不憚於改
為言之易成之難政或譏於欲速作室肯構第遵底
法之良若網在綱庶
弭有條之紊紀未載

己卯詔以河南地與宋以右

司侍郎張通古等使宋

攷異元好問中州集安陽王競字無競宋末登進士仕國

朝至禮部尙書翰林學士承旨大定四年卒善作大
字廣文結密如小楷京師宮殿題勝皆其筆閒閒公
以為古今第一手其奉使江左題同官蕭顯西湖行
記後詩云雲煙濃淡費臨摹行記看來即畫圖雲夢
不姑吞八九筆頭滴水了西湖國史有傳
其奉使年月未載交聘表姑附錄於此

以京師

為上京府曰會寧舊上京為北京

攷異續綱目云會寧即海古勒地金

舊土也安春水源於此故名金源至是升為上京會
寧府改遼上京臨潢府為北京而東京遼陽西京大
同南京大興中京大定
諸府則仍舊所載較詳

丁酉改燕京樞密院為行臺

尙書省甲辰以奕爲平章政事冬十月甲寅朔以李

德固參知政事丙寅封叔宗強爲紀王宗敏邢王太

宗子呼拉布

原作斛魯補

等十三人爲王己巳始禁親王

以下佩刀入宮辛未定封國制

政異續通考云定封國制屬吏部凡封王

大國號二十曰恒邵汴鎬并益彭趙越譙郢魯冀絳

充豫鄂夔宛曹次國三十小國三十封王之郡號十

金源廣平平原南陽常山太原平陽東平安定延安

封公主三縣號三十凡白號之姓皆封彭城郡其封爵正從

隴西郡分三等黑號之姓皆封郡王曰國公正從二品曰郡

品級高下正從一品曰郡侯正從四品曰郡伯正五品曰縣

公正從三品曰縣男凡食邑封王者萬戶實封千戶郡

子從五品曰縣男凡食邑封王者萬戶實封千戶郡

王五千戶實封五百以次遞減郡伯以下無實封命

婦凡母妻從其夫子皆封夫人五品封郡君縣君

癸酉以東京留守宗雋爲尙書左丞相封陳王

攷異大金

國志云是歲府州守折可求為撒离喝所敗子彥文
孛家走河東命知代州宋史高宗紀紹興八年正月
壽州宋起來歸蔡州提轄白安時殺金將兀魯執其
守劉永壽來降熊克小紀云時夏國乘金人有折可
求之喪政府州奪之子彥文奔
河東金復命知代州紀均未載

二年春正月戊戌以宗雋為太保領三省事進封充

國王希尹復為尙書左丞相 三月丙辰命百官詳

定儀制夏四月甲戌百官朝參初用朝服攷異大金

俗好衣白自減遼臣宋漸有文飾至於衣服尙依舊

俗貴賤以布之粗細為別富人春夏多以紵絲綿紬

為衫裳亦間用細布冬以貂鼠青鼠狐貉皮或羔皮

為裘或作紵絲細絹秋冬亦衣羊皮或獐鹿皮為衫

袴襪皆以皮續通考云金時凡大祭祀加尊號受冊

寶則服袞冕行幸齋戒出宮或御正殿則通天冠紱

紗袍初太宗卽位始服赭黃章宗初立以世宗喪服

淡黃袍烏犀帶常朝服小帽紅襪偏帶或束帶天

二年命百官朝參用朝服凡導駕及行大禮文武皆服之正一品貂蟬籠巾七梁額花冠貂鼠立筆銀立筆犀簪導佩劍正二品七梁冠銀立筆犀簪導佩劍餘以次遞殺中丞則貂豸冠青荷蓮綬公服大定制文資五品以上官服紫皆加襴祭服泰和元年禮官言衮冕十二旒元衣纁裳備十二章天子之祭服也通天冠絳紗袍紅羅裳天子之朝服臣下則服青衣朱裳以祭朱衣朱裳以朝國朝唯天子備衮冕通天冠二等之服今羣臣但以朝國朝而無祭服宜參酌古今改置祭服冠如朝冠而有朝服而無祭服宜參酌衣朱裳白襪朱履非攝事官則用朝服從之太子冠服冕用白珠九旒紅絲組爲纓青衣朱裳九章謁廟則服之至遠游冠名始魏晉後世承襲非宜六月始不同於鯢魚邪蒿之禁者也餘詳與服志辛亥烏舍原作吳矢攷異熊克小紀作仲和什云原作烏克神疑誤畢沅續通鑑作和什云原作謝謀反伏誅秋七月辛巳宗磐宗雋謀反伏誅詔天

下

宗立益加優禮太宗長子天會間爲烏赫哩貝勒熙宗立益加優禮太宗幹没日更跋扈嘗與宗幹爭論

上前持刀向之既而達蘭宗雋入朝陰相黨附遂謀作亂宗幹希尹發其事下詔誅之宗雋太祖子大金國志作太宗次子云郎君吳矢謀反下獄事連宗盤宗雋及虞王宗英滕王宗偉等用朝旦伏兵誅之夷其族詔畧曰周行管蔡之誅漢致燕王之辟惟茲無赦古不為非不圖骨肉之間有懷蜂螫之毒又曰宗盤族連諸父位冠三司信任宵人煽為姦黨坐圖問鼎行將弄兵云云翰林學士韓昉筆也繫年要錄作知制誥劉昉以宗弼為都元帥越國王達蘭為行臺筆紀未載

左丞相甲午咸州詳表原作詳穩沂王暈坐與宗磐謀反

誅 辛丑以宗幹為太師梁宋國王八月辛亥達蘭

與翼王呼蘭原作鵲懶及呼勒希圖原作活達蘭子幹帶

額特布原作幹帶謀反并誅九月戊寅朔降封太宗

諸子攷異續綱目云是冬金呼沙呼攻蒙古糧盡而還蒙古追襲之大敗其衆於海嶺蒙古在女真

東唐爲蒙兀部勁悍善戰夜中能視以鮫魚皮爲甲
可捍流矢李心傳朝野雜記云金盛時置東北招討
司以禦蒙兀高麗西南招討司以統韃靼西夏蒙兀
所據蓋吳乞買創業時二十七團寨韃靼之境東接
臨潢府西隣夏南距靜州北抵大人國所謂生韃靼
也宇文懋昭謂金初代之蒙古與元之蒙古爲二國
相去千里究之今蒙古諸境延袤萬里或稱萌骨騰
骨育骨蒙兀蒙骨斯部族雖殊總屬朔漠其實皆蒙
古耳趙翼咳餘叢考引孟珙蒙達備錄謂北有蒙古
斯國雄於北邊後哀滅成吉思起兵募蒙爲雄國乃
改稱大蒙古蓋蒙古斯卽磨古斯磨蒙聲相近也建
號由此可補元史之闕繫年要錄云時海寇張青至
遼東僞稱王師破蘇州遼土大擾中原之被掠者多
起兵應之史均未載

三年春正月癸巳以宗弼領行臺尙書省事夏四月

乙巳朔溫都思忠廉問諸路貪廉升黜有差攷異續通考云

金考課法凡內外官政績及所厯資考更代之期去
就之故秩滿皆備陳於解由吏部據以定能否又撮

解由之要於銓擬時讀之謂之銓頭又會歷任銓頭而書於行止簿又為簿列百司官名有所更代則以小黃綾書其期及去就之故而制其銓擬之要領焉天管三年思忠察得廉吏杜遵晦等百二十四人進一階貪吏張軫等二十一人皆罷之大定以後分道考察號稱得人見興定初中丞李英奏

卯帝如燕京 五月丙子詔元帥府復取河南陝西

地宗弼自河南趨汴薩里罕原作散出河中趨陝攷

熊克小紀云金簽軍法元帥府下諸路帥帥下節鎮節鎮下郡縣籍丁多寡令備軍喪以聽點集初皆尼

雅滿之徒專之至是始令諸路不得從元帥府須見裏面使臣所持御畫牌劄方許簽發蓋疑其下也然

元帥府距國都甚遠緩急安能應援兩河哉未幾河南平六月陝西平遣

使奏捷 秋九月癸亥殺左丞相希尹右丞相蕭慶

及希尹子巴達原作把搭滿達原作漫帶冬十一月癸丑以

孔子裔孫璠襲封衍聖公

本傳字文老齊阜昌三年補迪功郎襲封主祀事至

是加承奉郎子拯字元濟皇統三年璠卒拯襲大定

十四年命禮官參酌開元禮定釋奠儀以兗國公顏

鄒國公孟配十六年立兗州學闕里廟宅子孫入學

者聽二十年授孔總曲阜令明昌三年遷中議大夫

祀用三獻祭酒充改用太常樂工十月修曲阜宣聖

廟黨懷英撰碑文賜孔端甫同進士出身四年八月

親行釋奠禮承安二年孔元措後襲封丁祭帝親爲贊

文五年命進士名避聖諱元措後歸元餘詳續通考

十二月己亥以阿里布爲左副元帥薩里罕爲右副

元帥攷異續綱目云時金主興禮樂立孔子廟於上

中原自燕京至淮隴之北皆育之紀未載屯田事

皇統元年攷異蔣芾逸史云高麗日厯壬戌年改皇

統乃紹興十二年熊克小厯改皇統在紹

興十四年據紹興講和錄蕭毅所持烏珠書已稱皇

統元年合之王大觀行程錄則改元在紹興十一年

欽安蔣與春二月戊寅詔致仕官至三品者給半俸

致異績通考云天眷三年詔文武五品以上致仕給

半俸三品者給俸全皇統元年詔年七十以上致仕者

人各給半俸大定十一年詔年七十以上致仕者不

拘官亦給半俸二十五年增留守總管統軍轉運府

尹節度月俸二百八十一年增外任小官煩劇局員俸給

諸教授俸明昌初令增百官俸按俸給之數正一品

三節錢粟三百貫石麴米麥各五十稱石春衣羅秋

衣綾各五十匹春秋絹各二百匹綿千兩三公親王

以次遞減外官諸使司都監食置二十萬以上六十

貫十萬貫以上五十貫以下遞減又二品以上無職

田三品而下在京者亦無職田正三品外官公田三

十頃統軍招討二十五頃從三品以下遞減凡職田

畝取粟三斗草一稱倉戊午親祭孔子廟北面再拜

退謂侍臣曰朕幼年遊佚不知志學歲月逾邁深以

爲悔孔子雖無位其道可尊使萬世景仰大凡爲善

不可不勉自是頗讀尚書論語及五代遼史諸書

夏四月丙子以韓昉參知政事辛巳宗弼請侵宋從之五月己酉宗幹卒以宗弼爲尚書左丞相領行臺如故 秋九月戊申詔賜鰥寡孤獨不能自存者人

絹二匹絮三斤

攷異續通考云天壽節設施老疾貧民錢數在都七百貫宮籍監給諸京

錢二十五貫以次遞減諸孤老幼疾人各月給米二斗錢五百文春秋絹各一匹身故者給殯埋錢一貫

是秋宗弼侵宋尋及宋平畫淮爲界

攷異地理志皇統元年十

月宗弼畫淮中流爲界西自鄧州南四十里西南四十里爲界泰和八年始置沿淮巡檢使續通鑑作十一月本紀及弼傳均未載所繫日月各異

二年春正月己亥帝獵於拉林河夏五月癸巳朔不

視朝帝自去年荒於酒與近臣飲或繼以夜宰相入

諫輒飲以酒曰知卿等意今既飲矣明日當戒因復

飲尋宴羣臣於五雲樓皆盡醉而罷攷異畢沅續通鑑云時金使求

白面胡餅及鸚鵡孔雀獅子貓兒帝令悉與之曰聞

金后擅政三省惟承后旨性侈靡其珍珠裘被集繡

婦至數千后日更繡衣一襲直數百緡其風如此豈

能久耶續通考云時臨潢盧彥倫性機巧能迎合悼

后意頗見寵任官至禮部

尚書封鄆國公紀均未載

三年春正月己丑朔以皇太子濟安喪不御正殿攷異

畢沅續通鑑云濟安初病時主與后幸佛寺焚香泣

禱曲赦五百里內罪囚卒諡英悼所載較詳趙興祥

傳盧龍人思溫裔歸國為六宅使同知宣徽院母憂

去官熙宗素聞其孝行及英悼太子受冊以本官起

復護視太子轉宣徽使封

申國公定武節度紀未載

三月辛卯以勗為平章

政事宗憲為尙書左丞 夏五月甲申初立太廟社

稷攷異金圖經云金本無宗廟不修祭祀自平遼後漢臣言天子孝在尊祖宜建宗廟主乃築室內東

南隅制極簡畧亮遷燕築巨闕於南城之南曰太廟

標名衍度宮貞元三年始奉安神主大定十一年郊祀前一日享太廟議薦新禮續通考云天輔七年太

祖築上京宮城西南建凝神殿於陵上後諸京皆立廟在京師者曰太廟天會十三年熙宗幸燕及受尊

號皆親享天眷二年立太祖原廟於慶元宮及會寧府道太廟成改曰衍慶宮聖武殿復建世祖太宗睿

宗神御殿皇統三年立太廟於上京海陵遷燕增廣舊廟奉安神主正隆中建南京復立宗廟宣宗遷汴

遂因之大定七年建社稷壇於中都祭用春秋二仲月上戊日天德後始有南北郊之制大定明昌禮寢

備南郊壇在豐宜門外園壇三成北郊壇在通元門外方壇三成常以冬至日合祀天地於園邱夏至日

祀地祇於方邱明一統志云金拜郊臺在府西南七里大定

里大定間建祈禱志云郊天臺在京城城南五里大定

十一年建朱彝尊曰下舊聞云金時郊臺在豐宜門

外疑卽今豐臺爲京師養花之所

秋七月丙寅致祭太皇太后等

諡爲欽仁皇后葬恭陵

崩爲唐古氏是年三月辛酉

三年十二月金遣右宣徽使完顏日晔祕書少監馬諤賀宋正旦己酉見於紫宸殿獻金注碗金盤各一金盞四雜色綾羅紗縠三百良馬六自是使命往復不絕歲貢物數亦無增損初北使來命戶部張澄館伴是禮久不講澄頗知舊制凡使人入見及謝辭燕犒賜子之儀澄皆傳之悉合法度遂爲定式是冬金使交聘表未書卽皇統三年也紀亦未載

四年春正月甲寅詔以去年宋幣賜始祖以下宗室

攷異續通考云皇統四年詔左丞勗平章奕職俸外別給二品俸舊制皇兄弟及子封一字王者爲親王給二品俸宗室封一字王者給三品俸勗等別給二品俸異數也張九思傳字全行錦州人愿亳州防禦使副劉仲延受宋幣於泗州往歲使者每以幣物不精責宋使乃私饋銀帛各直數百千以爲常九思獨

不肯受仲延從之

秋八月癸未殺其子魏王道濟

自是私饋遂絕

按宗室表熙宗子九月乙酉如東京敗於沙河方輿紀要

濟安道濟凡二人

云在復州衛南八里出衛東得射虎獲之攷異程案

利獻城山合麻河西注於海

析津人遼末中進士甲科官殿中丞入國朝歷史館

修撰熙宗時為右諫議大夫上疏諫獵請戒有司圖

然恐貽宗廟憂終章德節度紀未載冬十一月壬

辰立借貸饑民酬賞格以河朔諸郡地震復百姓一

年死者官為斂葬陝西等處饑民典雇為奴婢者官

給絹贖還是月帝獵於海島至東京

攷異畢沅續通鑑云主獵三日

親射五虎左丞勗獻東狩射虎賦主甚悅厚賜之大

金國志云是春渤海千戶馬拽固謀叛殺萬戶烏掄

欲遁之沙漠為元帥府所誅熊克小紀云是冬屬國黃龍之北大雪色如血赤至春方消紀均未載

五年春二月乙未次濟州地理志云卽利涉軍更春名隆州後升爲隆安府

水三月戊辰次天開殿夏五月戊午初用御製小字

以平章勗諫帝爲止酒仍布告廷臣秋九月庚申至

自東京

攷異續通考云是年四月丙申彗星見西北長丈餘至五月乃滅七年正月辛未彗星見

東方長丈餘凡十五日減又三年八月丙申老人星

見繫年要錄云是年金主以生子大赦度僧凡三萬

熊克小紀繫於紹興十四年及皇統四年稍異大金

國志云是秋國中旱蝗飛蝗蔽日詔蠲民租時有

蒙兀之援又值荒旱民不聊生大河復

決李固渡漂居民五千餘家紀均未載

六年春正月壬申封太祖諸孫爲王

乙亥畋於美

稜

原作壬申如春水帝從禽導騎誤入大澤中馬陷

因步出不罪導者夏四月庚子朔以宗固爲太保

右丞相兼中書令六月乙巳殺宇文虛中及高士談

攷異續綱目云金重虛中才號國師恃才傲物好譏訕目女真為礦鹵貴人積不能平至是唐古酬等上變鞫治無狀乃以圖書為反具虛中曰死自吾分然圖籍南來士大夫家皆有之翰林學士高士談家尤多豈亦反耶并殺士談虛中老幼百口同盡士談愛孫也本傳虛中蜀人官禮部尚書翰林承旨唐古孫作唐古綽通鑑輯覽作唐古充愛云舊作唐古酬繫年要錄作五年九月事云虛中與士談結東北義士欲因郊天劫殺金主以蠟書告宋檜不納宋後贈開府諡肅愍賜廟名仁勇為置後朝野雜記云時秦會之當國遠綴其書遺金人高宗不知今其孫紹節官右司郎中續通考云虛中謀劫二帝歸宋不克而死賜其後姓趙氏李大諒征蒙記王大觀行程錄所載畧同疑其說有因也虛中死時年六十八子師瑗亦贈官元好問中州集虛中字叔通成都人宋黃門侍郎金應承旨皇統初諸俘虜謀奉為帥奪兵仗南奔事覺繫詔獄餘全所載上烏林天使詩三首云平生隨牒浪推移祇為生民不為私萬里翠輿猶遠播

銘一而乃下鳴過阻日仗枕有下牽軍有計寸渭一
文三去宣刻王跟孤坐清歸蒙臣已前經死誠不身
漫足之和高唐錄枕穩明心城獲作捧邦生敢幽
謏鼎色御士大云夢穴澤渭集考仔血策定將固
不峙赤府談中房難床黎自上行取鼎緩人敢
可皆如故家五山忘床流舟其謀獻魚萬威未高終
識美新粟後寶年克有縲黎來丙又士漏萬應阻議辭
願玉成穀歸六字上恭有繼元猶無寅刑談期網呂厚那知一
奎咸斷金士已爲人削去尚存書跡琴魯人除館西河外漢使
光通文隱起如蛇虬奇物也其
金中張鉞斲款用小篆精妙
詩選載士談棟棠詩云
宣幸有故人知底蘊
和末忻州戶曹
二首云世事都
得俘囚忠信天
絕糧邱幽囚四
已備嘗全家音
話更長周密雲
其琴一後題金
此琴其鳴玉
去宋被殺者惡
通宋被殺者惡
人削去尚存書跡琴
爲人削去尚存書跡琴
儒二琴其鳴玉
金儒二琴其鳴玉
字已爲人削去尚存書跡琴
六字已爲人削去尚存書跡琴
歸金士談以通宋被殺者惡
後歸金士談以通宋被殺者惡
粟穀斷文隱起如蛇虬奇物也其
新粟穀斷文隱起如蛇虬奇物也其
皆如故家五山忘床流舟其謀獻魚萬威未高終
美新粟穀斷文隱起如蛇虬奇物也其
識願玉成穀歸六字上恭有縲黎來丙又士漏萬威未高終
可皆如故家五山忘床流舟其謀獻魚萬威未高終
謏鼎色御士大云夢穴澤渭集考仔血策定將固
漫足之和高唐錄枕穩明心城獲作捧邦生敢幽
銘一而乃下鳴過阻日仗枕有下牽軍有計寸渭一

閒庭隨分占年芳。裊裊青枝淡淡香。流落孤臣那忍看。十分深似。仰袍黃。又題禹廟詩云。可憐風雨。雨。那。忍。苦。後。世。山。河。易。外。人。均。是。歲。遣。鈕。祜。祿。罕。努。粘。葛。有。故。主。之。思。滿。者。悲。之。韓。招。耶。律。達。實。大。石。被。害。攷。異。熊。克。小。紀。云。先。是。使。雙。既。厚。願。行。者。多。納。金。以。請。遂。為。故。事。時。禮。侍。周。執。典。為。賀。金。生。辰。使。始。拒。絕。之。事。在。紹。興。十。六。年。畢。沅。續。通。鑑。云。金。討。蒙。古。連。年。不。能。克。命。蕭。保。壽。努。與。議。和。割。二。十。七。團。寨。且。歲。遣。牛。羊。米。豆。并。冊。其。酋。為。國。王。不。許。

七年春正月癸未以西京鹿園為民田攷異熊克小紀云紹興十

七年二月宰執奏國信所乞裁減接伴北使官屬事

上日奉使邊知白渡淮數日尚未至恐滯中途則衆

人不能無擾可降指夏四月戊午宴便殿帝醉酒揮今後計程赴行在

殺戶部尚書宗禮攷異續綱目云金主初年倚任勳

舊吏清政簡既而費摩后干政朝

金史紀事本末

卷十八

三

官因之以取宰相主欲立繼嗣為后制心不能六月

平因縱酒酣怒至手刃侍臣十餘人所載較詳六月

丁酉殺橫海軍名即節度使田穀等八人秋九月

右丞相宗固卒以宗弼為太師領三省事都元帥行

臺如故曷為左丞相賢為右丞相蕭仲恭本傳原名

作朮里者祖父仕遼皆貴顯仲恭母遼道宗季女也

遼主命其弟仲宣留侍母仲恭從而西及被獲太宗

嘉其忠擢用之累官右丞相太傅越國王除燕京留

守正隆例降鄭國公謚貞簡予拱官禮部侍郎為海

陵殺仲宣本名伊里為平章政事劉箐為左丞李德

布卒官武寧節度固為右丞蕭肄參知政事攷異劉箐於皇統五年為

宗紀載在冬十一月癸未以亮為左丞十二月戊午

六年稍異以秉德參知政事攷異畢沅續通鑑云三月金始與

自稱祖元皇叔改元天興金不能討但分據要害而
已又云主無嗣宗賢勸選後宮遣相士選西河室女
得四于餘人皆
入宮史均未載

八年夏四月甲寅遼史成攷異伊喇子敬傳字同文

平章巴格曾孫皇統間特進伊喇因修遼史辟為掾
史成除同知遼州事簽書樞密同修國史卒官廣寧
尹蕭永祺傳字景純本名富里廣寧尹耶律固奉詔
譯書辟置門下固作遼史未成永祺繼之作紀三十
卷志五卷傳四十卷上之除太常丞遷承旨同修國
史紀均未載時文登郭長倩字曼卿中皇統經義乙
科官秘書少監兼修起居注撰石決明
傳時輩稱之所著有崑崙集見續通考六月乙卯

以左丞亮為平章政事唐古辯為左丞尋因奉職不
謹杖之秋八月庚子出勗領行臺事以宗賢為尙書
左丞相蕭仲恭為尙書右丞相九月丙申唐古辯罷

以稟爲左丞冬十月辛酉宗弼卒十一月乙未詔州
郡長吏兼用本國及諸色人辛丑以亮爲右丞相秉
德爲平章政事十二月乙卯以蕭仲恭爲太保領三
省事宗賢爲太師領三省事兼都元帥

攷異續綱目云是冬十二

月亮生日金主遣大興國以司馬光畫像玉陶罕廐
馬賜之后亦附賜禮物主聞之怒杖興國而奪回賜
物亮本漢不軌疑
畏更甚紀未載

九年春正月戊戌宗賢出領行臺以勗爲太師領三
省事亮兼都元帥太保領三省事唐古辯復爲右丞

攷異大金國志云春三月黃頭女真三
千叛遣右都監拔束討平之史未載

夏四月壬

申夜大風雨雷電震壞寢殿鴟尾火入帝寢燒幃幔

趨別殿避之丁丑龍鬬於利州榆林河水上地理志云龍山

縣有榆河屬北京路之利州即此攷異續通考云即

遼中京阜俗縣統和末置刺史又開泰中升觀察金

因之額阜俗龍山二縣大風壞民居官舍瓦木人畜

漆河一鎮棗州一寨

皆飄颺十餘里死傷數百人攷異續通考云時同知

天眷二年三月辛巳朔歲星留逆在太微九月辛巳

太白犯軒轅左星乙巳犯左執法十一月戊寅太白

入氏三年七月壬戌月犯畢十二月壬午掩東井軒

轅南第一星皇統元年二月甲戌月掩畢大星二年

十一月己酉月犯軒轅大星甲寅犯氏東北星三年

正月己丑熒惑犯軒轅次北一星二月己丑月犯畢

大星八年閏八月丙子熒惑入太微垣九年七月丁

亥熒惑犯南斗第四星凡二次畢沅續通鑑云九年

四月戊辰日左右生青赤黃珥太白犯月五月戊子

太史言不利於君大臣將作亂紀多未載

因天變肆赦命翰林學士張鈞草詔參政蕭肄謂其

金史紀事本末卷十八左

語涉誹謗殺之

攷異苗耀神麓記云鈞赦文稱乃者龍潛我宮之句大怒曰龍奈我何杖

數百盡去手足而斬之蕭肄傳奚人有寵於熙宗復

諸事悼后鈞草詔肄譯其語為誹謗帝怒命拽下榜

數百不死以手劍釐其口而醢之肄與海陵後有惡

除名放歸田里岳珂程史云張鈞視草有顧茲寡昧

及耻子小子之言譯者曰漢兒強知職以詈我主上

耳主問故曰寡者孤獨無親昧者不曉人事眇為瞎

于小子為小孩兒主怒醢之亮是日曲赦上京罪囚

登位赦暴其惡及此所載各異

庚寅出亮領行臺等召入為平章政事

攷異續綱目云主既殺鈞

問誰使之宗賢以亮對遂出亮過中京與蕭

裕定約而去至良鄉召還逆謀益甚紀未載

戊申

武庫署令耶律巴克沁

原作八斤

妄稱上言宿直將軍蕭

榮與胙王元

本傳宗峻子太祖諸孫中最稱賢子育本名和卓大定中歷南京副留守攷異

續通考云元係紀王習泥列子宗

為黨誅之

攷異續

室表有官大宗正丞所載稍異

七月甲辰太白辰星
歲星會於張紀未載

秋八月庚申宰臣議徙遼陽

渤海之民於燕南從之侍從高壽星等當遷訴於后

以言激帝怒杖議者平章秉德殺郎中薩哈

原作壽三合

星竟得不徙秉德尋復爲左丞相九月戊戌出宗敏

領行臺以宗本爲太保領三省事冬十月乙丑殺

北京留守胙王元及弟安武節度使扎拉

原作查刺攷異宗室

表胙王元及扎拉皆景宣帝宗峻子與熙宗兄弟凡三人左衛將軍塔斯

原作特斯攷異宗室故

鄧王子阿蘭

原作阿懶攷異汪輝祖金史同名錄云卷六十三海陵時昭妃卷七十世宗時

右丞相三人同名阿懶又唐古辨達蘭

原作達賚攷異

傳作教拉錢大昕集云一作阿楞達蘭

續綱目云亮忌胙王常勝及鄧王子阿林會河南孫

進叛自稱皇帝阿禪大王乘此構之遂殺常勝阿林

卷一百一十五

七

及扎拉等宗傑傳太祖子名穆里延又名沒里野追

封越王進趙王諡孝悼子爽為會寧牧封鄧王終西

京留守子阿蘭達蘭達蘭原作達懶海陵為招構殺

之及纂立并殺宗傑妻胙王元本名常勝阿禪大王

原作按察大王阿蘭官奉國上將軍繫年要錄云時

兵部尚書賽音奇辰護衛將軍巴克沁廣威宿直將

軍塔斯定遠各以罪族績通考云衛王宗強十一月

太祖子其子為榮王爽本名阿隣所載各異十一月

癸未殺皇后費摩氏召胙王妃薩滿攷異繫年要錄

續通鑑作薩摩通鑑輯入宮癸巳帝獵於和羅溫圖

瑄遣使殺如烏庫哩原作烏氏及瓜爾佳原作夾谷

續通鑑作氏張氏十二月丙辰殺如費摩氏於寢

殿尋為亮所弑年三十一降為東昏王貞元三年改

葬大房山蓼香甸諸王同兆域大定間追尊宏基纘

武莊靖孝成皇帝廟號熙宗葬思陵

攷異繫年要錄云大定中追尊

武靈皇帝廟號閔宗踰年乃改封大定二十八年改

葬思陵制曰朕惟熙宗以皇元嫡孫受文烈顧命卽

位十五年庶人亮篡逆誣詆降從玉封肆子一人纘

承先緒仰惟熙宗位號宜正稽合禮文升祔太室葬

非其所卜地涓日奉遷梓宮備禮改葬庶慰在天之

靈見思陵錄史失書大金國志云熙宗幼聰悟得韓

昉等教之賦詩染翰雅歌投壺盡失女真故態屏棄

舊臣後宮盛色骨肉之間邪心斯起末年淫刑濫殺

以及於禍

紀未載

金史紀事本末卷十八

金史紀事本末卷十九

貶封資政大夫 特賞內閣中書前江西峽江訓導萍鄉李有棠編纂

達蘭構亂

太祖天輔六年春三月宗翰

原作粘罕

追遼主於鴛鴦渚

遼都統瑪格

原作馬哥

奔道蘭達蘭收其羣牧宗翰使達

蘭追擊之不及獲遼樞密使德勒岱

攷異太祖紀作德喀台云舊作

得里底

及其子摩格

原作摩哥攷異卷一百三十三

窩

納延

原作那野攷異太宗天會四年將海

以還達蘭

攷異蒙古語七十數也

原作撻懶亦作撻菰今譯改

通鑑輯覽作達賚汪輝祖金史同名錄云卷五海陵

紀西京路統軍銀尤可子穀英本名正隆四年宿直

將軍卷五十九宗室表太祖子宗傑孫卷六十六宗

金史紀事本末

卷十九

室特進卷六十八歡都傳貞惠皇后弟烏古論氏卷一百二十唐括德溫傳父臨海節度七人同名撻懶

改名昌穆宗子

攷異大金國志云武元從弟爲人驍勇無賴少時暴橫部落苦之達蘭傳

未載續通考齊國公蒲察崇國公蒲里迭亦穆宗子封時均未詳

秋八月癸巳太

祖自將追遼主於大魚濼留輜重於草濼使達蘭雅

穆原作牙卯

守之時奚路兵官琿楚不能安撫其衆以達

蘭爲奚六部軍帥鎮之實古納

原作習古迺博納和原作婆盧

火護送常勝軍及燕京豪族工匠自松亭關入內地

太祖戒之曰若遇險阨則分兵往二人廼合於達蘭

攷異大金國志云是歲撻懶從破燕山武元愛其雋爽傳未載

七年

太宗九月卽位改爲天會元年

夏五月己巳奚六部軍帥達蘭

討噶珊原作蘇庫原作部奚人據險戰殺且盡蘇庫

卓琳原作托紐原作十三巖皆平之降詔獎諭其後

撫定奚部表請設官鎮守命依東京渤海例置千戶

穆昆古并五院司諸部執其節度乙列部以克副所

託良用嘉歎獎之所載稍異今從達蘭傳

太宗天會二年秋八月丁巳達蘭擊走遼外戚約尼

遙原作札古雅原作部族於建州以建州南地給五

十畝與晉太后耕種營屋建廟聖宗因水害遷州治

於唐故崇州地曰武寧軍領永霸永唐二縣今領永

霸一縣本唐昌黎縣地方輿紀要云在太甯擒其隊

衛東南四百餘里唐昌樂縣地亦曰保靜軍

將克爾叟原作博斯呼原作殺之先是舍音原作

金史紀事本末卷十九二

斜野襲走約尼二部獲其妻孥及官豪之族至是達蘭

復擊破之進降金源縣

屬大定府唐青山縣地

及約尼二部再

破興中兵降建州官屬札古雅兵敗亦降興中建州
悉平詔增給銀牌達蘭舉蕭公翊爲興中尹餘皆以
契丹漢人攝治帝皆從之

三年冬十月甲辰詔大舉侵宋以達蘭爲六部路都

統與宗望

原作幹
離不

自南京入燕山

四年春二月己亥宗望與宋盟師還達蘭仍歸中京

秋八月庚子宗翰宗望再侵宋軍趨汴達蘭阿里
庫破宋兵二萬於杞覆其三營獲都總管胡直孺及

其二子與都統制隨師元及其三將遂克拱州降寧

陵破睢陽下亳州宋兵來復睢陽擊走之擒其將石

瑱攷吳特進達蘭傳宗室子年十六事太祖未嘗去左右殊赫店之役控止太祖馬挺槍殺十數人太祖壯之及戰達蘭噶城大敗其衆攻臨潢春泰州中

西二京皆有功仕終銀青光祿大夫加特進卒本另

一人而傳中亦載破杞縣軍獲胡直孺事及擒石瑱與此無別未知孰是故附錄於此以俟攷

五年夏四月諸軍凱還丙戌擢達蘭爲元帥左監軍

五月達蘭徇地山東取密州克鉅鹿屬順德府下祁州

永寧軍降地理志云宋以定州博野縣置初號寧邊軍更今名攷異大金國志云是年七月捷

他郡親圍中山中山巨鎮也守禦尤嚴於他郡明年二月始克之達蘭傳未載

六年春三月己酉達蘭下恩州夏六月己未遣兵分

下磁州信德府時劉豫以濟南府降詔以豫為安撫

使治東平達蘭以左監軍鎮撫之大事得專決焉

攷異

大金國志云六年冬撻懶會窩里盟之眾敗馬攢於北京清平七年二月復合兵分下山東諸郡進屯濱

州達蘭傳未載

八年秋九月戊申詔立劉豫為齊帝初宋人既誅張

邦昌帝命復求如邦昌者立之或舉折可求達蘭力

舉劉豫故立之

攷異大金國志云撻懶久居濱海劉豫以相近奉之尤厚故嘗有許豫僭

逆之意高慶裔恐為所先因勸粘罕立之宋史亦謂撻懶嘗言於粘罕沒喝未許因高慶裔力勸乃從之國

志又云撻懶自八年攻淮南人馬疲弊復為張敵萬所敗其壻萬不刺被擒銳氣沮喪且傳南軍來襲軍

中夜驚寇盜蜂起遂率眾北歸請於粘罕乞割齊國滄州鹽場不許北盟會編云撻懶攻張榮於泰州縮

頭胡爲所敗士卒溺死甚衆乃收餘衆二千還楚州
張滙節要萬不刺作戶不刺俘溺番漢四千餘又九
年正月富察哈布爾完顏圖哩討張萬敵於白頭湖
陷於敵見太宗紀惟人名地名均異未知孰是達蘭
傳均未載史稱遼金故地濱海多產鹽上京東北二
路食肇州鹽率寶路食海鹽臨潢之北有大鹽澤烏
爾古寶壘部有鹽池皆足以食境內之民大定二十
二年修遼東等路諸鹽場爲兩鹽司各行其地北京
宗錦之鹽行本路及臨潢府肇州秦州之鹽與接壤
者亦給焉二十四年帝在上京謂烏庫哩元忠等曰
舊率寶以東食海鹽夫餘呼爾哈等路食肇州鹽初
完額萬貫今增至二萬七千若罷鹽引添竈戶庶可
易得明年還京謂宰臣曰凡人家食鹽無引目卽以
私治罪細民徐買食之何由有引因罷遼東鹽使司
見淵流考

熙宗天會十五年

十三年正月熙宗卽位未改元

冬十月乙卯以達

蘭爲左副元帥封魯國王十一月丙午降劉豫爲蜀

王豫既立數年無尺寸功迨乞兵侵宋達蘭復率兵往援豫兵屢敗始命達蘭與宗弼原作兀朮赴汴執而廢之

天眷元年秋八月己卯詔以陝西河南地與宋先是達蘭與宗弼俱在河南宋使王倫求陝西河南地於達蘭及達蘭朝京師倡議以廢齊地與宋帝命羣臣議會東京留守宗雋原作訛魯觀來朝與達蘭合力時宰

相宗磐

原作蒲盧虎

主其議位在宗幹上宗憲

本傳本名阿蘭亦作

敖拉宗翰弟仕至右丞相封鉅鹿郡王熙宗因是議稱其識慮深遠

爭之不能得達蘭

弟勗

原名烏頁

亦以為不可弗聽竟執議以地與宋

攷異大金

國志云金克山東多撻懶力久居離州回易屯田徧
於諸郡每認山東爲己有始欲立豫然嘗怒其不拜
有悔意遂獻議以新河爲界粘罕用事不得行只取
清州粘罕死議取山東未果豫廢因歸之於宋達蘭
傳未久之宗磐跋扈尤甚宗雋亦爲丞相達蘭持兵
柄均附之謀反有狀宗磐宗雋皆伏誅詔以達蘭屬
尊有大功釋不問出爲行臺左丞相詔慰遣之攷異舒穆魯卞傳本名阿爾噶里初隸宗弼帳下時宗磐爲太師達蘭爲左副元帥人爭附之使人召卞卞不往及
二人誅人多其有識河南招討使臨洮尹卒達蘭至燕京愈驕肆不法復
與翼王呼蘭原作鵠懶謀反而朝議知其初與宋交通倡
議割地宗弼請復取之攷異大金國志云時除杜充右丞相命下撻懶語使者曰
我開國功臣何罪而與降奴爲伍耶不受命而叛兀
朮留宋使王倫於祁州密奏曰撻懶宗磐主謀割地

二人必陰結彼國今使至汴未可令過界遂拘送祁州又云撻懶令中山府拘倫會諸軍欲叛盟以應宗盤所載互異達蘭會有上變告達蘭者下詔誅之達蘭自燕京南走追殺於祁州并殺翼王及宗人呼勒

希圖原作活達蘭二子威泰烏達布攻異熙宗紀作

烏達捕而赦其黨與攻異大金國志云撻懶欲走宋

撻不也追獲之下祁州獄謀臨刑謂兀朮曰我死禍

必及爾宜速圖之兀朮俛首無言囚其子大拽久之

赦出庶子勗後官平章按勗係撻懶弟此誤洪皓松

漢紀聞大拽作大拽馬勗作敦字勉道一日烏拽馬

熊克小紀作泰伊繫年要錄作大伊瑪謂達賚走至

儒州望雲甸被獲其二子後以赦得釋苗耀神麓記

云時契丹召哲郎君告許於兀朮遣兵五百獲之於

虎北口賜死祁州三子宗武宗旦宗望與妃榮哥皆

遇害李大諒征蒙記云闡辣有長男勝都花知罪北

追捕殺之王山言兀朮之戕撻懶帛練拉殺之其家

三百口同盡台焚其尸屠其所居三村之人皆不留
趙姓之遺史云秦檜聞捷懶封魯王遣燕人高益恭
往賀且勸就封魯地己爲之應益恭至祁爲人告遂
誅捷愷及其一族八百餘口而烹益恭小紀又云時
金法嚴令暴加以飢饉民不聊生下令欠債者以人
口折還及藏逃亡而被告者皆死至是大臣如宗磐
達蘭悉誅黨與滋衆皆爲亡命所在蠶起平定威勝
遼州道路不通及太行山義士入懷州萬善鎮州人
大恐中原盛傳大駕親征民皆陰備軍器書則罷市
曉視霞起則曰御營烈火光矣畢沅續通鑑云昌旣
誅其子勝花都郎君率故部曲叛與蒙古通以是復
強取二十七國寨金討之不能制王大觀行程錄勝
花都作星哈都達蘭傳均未載

金史紀事本末卷十九

金史紀事本末卷二十

馳封資政大夫特賞內閣中書前江西峽江訓導萍鄉李有棠編纂

宗弼兵畧

太宗天會四年春正月戊辰宗弼侵宋取湯陰縣降

其卒三千宗弼本名烏珠

原作幹啜

又作兀朮亦作幹出

攻異

卷一百二十二女奚烈

或作晃幹出太祖第四

子也

攻異大金國志云武元第六子生時穹廬中鬱鬱有氣均異之爲人豪傑膽勇過人猿臂善射

遇戰

醜出入陣中希尹原作兀室獲遼護衛實訥埒知衆憚之宗弼傳未載

遼主在鴛鴦渚都統杲出青嶺宗弼從宗望

原作幹

率百騎與馬和尚逐越盧亨古

攻異卷一百二十粘割韓奴傳大定時康

里部長李古另一人

伊勒希

原作野里斯

等馳擊敗之矢盡奪遼兵

士槍獨殺八人生擒五人遂追襲遼主於鴛鴦濼至

是從宗望攻宋取湯陰至御河宋已焚橋不得渡克

爾叟

原作合魯索

以七十騎涉之殺宋焚橋軍五百人宗

望抵汴宗弼以三千騎薄其城宋上皇出奔選百騎

追之弗及獲馬三千而還夏四月癸卯宗望因和

議成遣宗弼來奏捷

六年春正月丙戌朔宗弼破宋鄭宗孟軍於青州克

其城初宗望卒宗輔代爲右副元帥徇地淄青宗弼

從行至是克青州復破賊將趙成於臨朐

縣名屬青州

大

破黃瓊軍遂取臨朐宗輔軍還遇敵三萬衆於河上

宗弼擊敗之殺萬餘人 秋七月乙巳宋帝請和詔

進兵宗輔發河北宗弼攻開德府糧乏轉攻濮州前

鋒烏凌阿托雲

原作烏林答泰欲

破王善二十萬衆遂與王

伯龍等取濮州降旁近五縣再攻開德府宗弼先登

克之及攻大名府宗弼復先登克其城河北平

七年夏五月乙卯巴爾斯襲宋帝於揚州宗弼敗宋

兵於睢陽降其城復進兵歸德降之 冬十月宗弼

請帥師南侵許之先遣阿里富埒瑋

原作蒲盧渾

至壽春

宗弼軍繼之宋馬世元降進降廬州及巢縣

屬無爲州

王

善降

攷異太宗紀十月丁酉阿里當堪大吳破敵於壽春己亥安撫馬世元以城降甲辰唐州降稍

異今從

十一月丙辰當堪

原作當海等破鄴瓊萬餘衆

於和州克其城宗弼遂自和州渡江將至江甯西二

十里宋副元帥杜充率步騎六萬來拒呼拉布

原作鶻盧

補當堪達呼

原作迪虎

大吳等合擊敗之守臣陳邦光以

城降留長安努烏哩雅

原作幹里也

守之使阿里布

原作阿魯

補等別將兵徇地下太平州濠州及句容溧陽等縣

太平州屬縣三今升爲府

汴江而西屢敗張永等兵

杜充遂降

攷異太宗紀均作明年正月事

宗弼自江甯取廣德路

今爲

州治建平攷異與地廣記云春秋爲吳越地漢屬丹陽郡梁置大梁郡又爲陳留郡隋唐屬宣州續通考

云唐初以綏安縣置姚州後廢州改綏安
爲廣德縣宋爲廣德軍領廣平建德二縣
於越州至湖州取之先遣阿里富瑋瑋趨杭州具舟
於錢塘江宗弼至攻杭州克之宋帝聞杭州不守遂
奔明州復遣阿里富瑋瑋追襲之破宋兵三千渡曹
城江去明州二十五里大破宋兵追至城下復敗之
宋帝入於海時鄂勒博珠爾蘇降越州大吳亦破宋
周汪軍

八年春正月己未阿里富瑋瑋與當堪克明州泛海
至昌國縣追三百餘里不及而還 二月乙亥宗弼
自杭州還軍取秀州及平江持嘉暉擊宋兵敗之三

月阿里率兵先趨鎮江宗弼軍繼至宋韓世忠以舟師扼江口與戰不利夏四月丙申復與韓世忠戰於江寧敗之遂渡江北還語詳南侵江浙事中 秋九月宗弼從宗輔定陝西癸亥與張浚戰於富平敗之時宗弼陷重圍中韓常矢中目怒拔去其矢血淋漓以土塞槍躍馬奮呼搏戰遂解圍與宗弼俱出

九年春正月癸丑宗弼與阿里布撫定鞏洮等州并招降熙河涇原兩路 冬十月戊寅宗弼與宋吳玠戰於和尚原敗績將士多陷沒語詳規取隴蜀事中 攷異大金國志云兀朮南侵與宋陳思恭戰於姑蘇韓世忠戰於大江劉錫戰於富平吳玠戰於劍外凡

四戰皆敗往返萬里首尾二年士馬消耗十存三四
自以箭鎗帛纏其臂其眾由是不振本傳未載按陳思恭係故相執中曾孫

十一年冬十一月丙寅宗弼克和尚原時古雲以本

部兵破宋師五萬遂奪新義口是夜大雪道路皆冰

宋兵駐和尚原勢重難逕取宗弼用古雲策入自旁

道迫高山叢薄間出其不意遂取之古雲請速入大

散關宗弼在仙人關在鳳縣南百二十里古雲先攻之宗弼叱

使退古雲曰敵氣已沮不取後必悔已而果然乃班

師古雲殿且戰且行達秦中攷異宗弼傳作十年事今從太宗紀

熙宗天會十五年熙宗於天會十三年正月即位未改元冬十月乙卯

以宗弼爲右副元帥封瀋王

天眷二年秋七月丙戌以宗弼爲都元帥進封越國

王先是達蘭

原作捷懶

宗磐

原作盧虎

執議以廢齊地與宋

宗弼察達蘭與宋人交通賂遺奏請誅之因復舊疆

時宗磐已誅達蘭在行臺復與呼蘭

原作鶻懶

謀反遂詔

宗弼爲太保領行臺尙書省都元帥如故軍旅錢糧

悉總其事往燕京誅達蘭并拘留宋使王倫不遣

攻異

奔睹傳是年宋將岳飛以兵十萬攻東平奔睹倉猝出禦時桑柘方茂奔睹多張旗幟於林間爲疑兵飛不敢動相持數日而去飛又以十萬衆圍邳州守將告急奔睹語使者城西南有壘深丈餘急室之飛果從此穴地入以有備而止按是時金以地與宋并無戰事卽次年叛盟飛在京西亦未嘗至東平邳州也

史記

三年夏五月丙子詔元帥府復取河南陝西地

攷異無名

氏紹興講和錄載詔書曰非朕一人與奪有食言尚念軍士久歲征役所成大事或當此行尚慎終其初亦使四海永清光昭我烈祖命都元帥宗弼自黎陽

趨汴京右監軍薩里罕

原作撒

自河中趨陝西

攷異東南

紀事以金人渝盟用鄆瓊為謀主按史稱復取陝豫本宗弼之謀瓊不過從而附和耳今不取

宋岳

飛韓世忠分據河南州郡要害復出兵涉河東駐嵐

石保德之境以相牽制宗弼遣孔彥舟下汴鄭兩州

王伯龍取陳州李成取洛陽

攷異續綱目云烏珠大

孔彥舟入汴遣烏祿取歸德李成取河南分道入寇率郡時東京留守孟庚南京留守路允迪皆以城降權

西京留守李利用棄城走河南州縣悉降拱州守王

慥死之繫年要錄云或曰允迪至汴京七日不食死

時宋詔有能生擒烏珠者除節度使賜銀帛五萬兩

疋田千頃第一區且下檄文數其罪所載較詳呼爾

哈傳天會八年攻廬和比至含山縣伏兵擒宋姚觀

察九年定陝右破敵兵千從富埒瑋徇地熙秦敗宋

人二千於秦州宋兵屯襄陽擊破之宗弼復河南攻

陳州呼爾哈領二穆昆軍大敗宋兵終顯德節度使

宗弼傳自率眾取亳州魏經死之史未載及順昌

未書攻異續綱目云時劉錡至順昌聞東京降與知府

府陳規為守城計部將許清議合治守具六日粗畢

金遂圍城韓常營白沙窩擊敗之葛王烏祿龍虎大

王兵薄城擊卻之溺死無算破其鐵騎三千移砦李

村夜斫其營終夜自戰積尸盈野退軍老龍灣烏珠

率十萬眾來援及戰錡為五浮橋於潁河上毒潁上

流敵飲水即病錡士氣間暇俟敵氣怠遣兵出擊殊

死圍敵大敗是夕大雨平地水尺餘明旦烏珠拔營

去追擊之死者數萬牙兵三千號鐵浮屠及鐵騎拐

子馬號長勝軍均被殺平日所持以為强者十損七

入器械山積至陳數將士罪皆鞭之洪皓密奏是捷
金人震恐燕之寶器悉徙而北意欲捐燕以南棄之
宗弼傳未載劉錡傳戎兵逼順昌以破敵弓射之翼
以神臂弓強弩射之敵稍稍引去又韓世忠嘗獻克
敵弓上命增損其制倣造之楊存中更造馬黃弓制
度精密紹興十三年冬上以所造弓矢賜北使均見
王海能克小紀云時劉錡領王彥所統八字軍赴任
至順昌議城守通判王若海緣府檄至行在錡以奏
附行卽登城區處命許青守東門杜杞守北門又李
村所營者爲騎將閻充繫年要錄作閻充又云賀輝
守西門鍾彥守南門郭喬年破賊錄云太尉欲斂兵
入城爲守禦計陳守愕然曰城中人聞警報皆欲去
太尉獨望守城耶疑規未必有此語今不取楊汝翼
被賊錄云時王德奉命來援兵退始至且以解圍奏
錡等被旨先發赴鎮江命杜杞等防護德申宣撫司
曰某以全軍裹送出穎河矣其誕妄如此德鞏縣人
號王夜叉順昌破賊記云王山言金祗烏珠一人國
兵盡隨南下及敗於順昌時三郎君亦敗於陝西南
宋若更有一項軍來敵可擒也王存元豐九域志云
順昌爲潁州汝陰郡順昌軍治汝陰縣在東京五百

五十里縣四汝陰
萬壽縣上沈邱

嵩汝等州相次皆下時暑宗弼還

軍於汴岳飛等軍皆退去河南平

攷異薛應旂通鑑云五月岳飛長驅

以圖中原將發密奏帝褒其忠授少保李寶牛皋破敵於京西飛自克蔡州遣張憲敗韓常於潁昌復淮甯府郝晟復鄭州張應韓清復西京楊遇復南城軍喬捏堅復趙州金人大震李興復伊陽入縣及汝州李成遁詔興知河南府張應會興復永安軍兀朮逼郛城飛奮擊以麻札刀破拐子馬大敗之楊再興復破之於小商橋殺二千人再興戰死張憲繼至再敗之兀朮遁中原大恐遣子雲擊殺其壻夏金吾使梁興會太行忠義敗之於垣曲及沁水遂復懷衛州追至朱仙鎮大破之遣使修治諸陵時兩河豪傑皆約期會兵自燕以南金號令不行欲僉兵無一人應者金將王鎮等相繼降韓常亦欲率眾五萬內附飛喜曰直抵黃龍府與諸軍痛飲耳方指口渡河檜力主和議飛一日奉十二金字牌自郛城還新復府州悉陷初兀朮欲棄汴去書生叩馬諫曰自古未有權臣在內而大將能立功於外者岳少保且不免況欲成

功乎遂止嗣遺檜書曰汝朝夕以和請岳飛方爲河
北國必殺飛始可和故檜力謀殺之宋史高宗紀與
再興同戰死者爲王蘭通鑑輯覽作王蘭繫年要錄
謂尙有張林宋史牛皋傳後總叙飛功謂飛遣皋及
王貴堇先楊再興等經畧東西京汝穎陳蔡諸郡時
李寶捷於曹州董先捷於潁昌劉政捷於中牟梁興
垣曲之捷金張太保李太保等以衆降稍異餘同熊
克小紀云飛拔起列將爲張韓所忌飛破楊么獻樓
船各一兵械俱備韓大悅俊益惡之薛弼每勸其調
和而輕銳者復勸飛勿苦降志隙益深矣俊後遂構
成其獄飛在鄂嘗夢辛中丞勸獄適次膺至厚禮之
及下獄乃萬侯高除新中丞也洪邁夷堅志以爲何
鑄云獄坐金南侵不赴援指斥乘輿命孫葉作書與
張憲令擘畫看畢焚之又詐傳兀朮犯上流雲與憲
咨目憲懷之遂謀反僧澤一向憲言宜先以兵守總
領轉運司北盟會編云飛謀令回軍軍士應時南嚮
飛口吐而不能合良久乃曰豈非天乎在寺中與王
貴堇先張憲王俊坐飛忽曰天下事竟如何憲曰在
相公處置耳俊告許引此語追先爲證死獄中梟其
首雲與憲皆棄市岳侯傳字鵬舉相州人少爲韓魏

王莊客下獄中毒死葬臨安菜園內林泉野記云飛
死時年三十九妻子遷嶺外天下冤之汾州和決上
書辨其冤編管袁州飛初於建炎中論事坐廢母姚
氏留河北迎歸事之孝妻劉氏改適在世忠軍中飛
遺錢三百千奏聞見要錄又和決作智決朝野雜記
云時緣坐者尙有王處仁蔣世雄孫莘于鵬除名編
管僧澤一智決杖配流朱希李若虛嘗爲謀議官
落職又云近歲郵置最速者莫如金字牌遞凡赦書
及軍機要務則用之仍自內侍省遣撥日行四百里
又飛嘗詣資善堂見孝宗英明俊偉疏請建國儲謂
欲圖恢復必先正國本張戒默記謂紹興七年事其
孫珂作行實謂爲十年事且辨默記之訛宋史飛傳
世忠心不平詣檜詰之檜答曰事體莫須有而中興
紀事本末作必須有朱彝尊從之按雲爲飛養子憲
愛將也檜惡岳州因飛姓改純州改岳陽軍爲華容
軍飛客姚岳請之也後因飛亮敗盟詔飛妻季氏子霖
等皆生還布衣劉允升訟飛冤下棘寺死大金國志
云洪皓蠟書奏金所畏惟飛至呼爲父聞其死酌酒
相慶何鑄傳云鑄治飛獄力辨其冤謂不當無故殺
一大將似能主持公道者而鑄嘗與羅汝楫劾飛見

汝楫傳又嘗爲檜劾王居正爲趙鼎黨奪職奉祠見
居正傳劾張九成黨趙鼎見九成傳今鑄傳皆不載
史亦有意 六月宗弼遣使奏捷帝遣使勞問宗弼以
迴護者

下將士尋攻嵐石保德皆克之

攷異薛應旂通鑑云時韓世忠使王勝等

復海州張浚遣王德復穎昌還復宿州德自壽春馳
至新縣郤金游騎因趨宿州守將馬秦降乘勝入亳

州山與烏祿聞其至日夜父未易當也卽遁去德
進取俊不許而還楊沂中兵潰自壽春走還

金州命趙密出西路敗敵兵於宿城王德連下宿
亳以孤軍駐壽春累月敵不敢南向世忠遣王勝成

閔趙淮揚水陸轉戰金兵入沂河死者甚衆獲戰船
二百勝與王權破海州擒僞守王山獲金人押至行

在繫年要錄云時解元敗金人於沂州潭城縣世忠
復敗之於伽鎮劉寶等破之於干秋湖陵阿里布傳

宗弼復河南阿里布先濟河撫定諸郡再爲歸德尹
宋岳飛等來取河南地拔陳許潁三州旁郡響應阿

里布擊敗攻歸德之兵復亳宿等州河南平功居最

歷右監軍節度使爲海陵殺後贈儀同舒穆魯卞傳
宗弼復取河南與宋戰潁州漢軍少却卞身被七創
率勇士十餘騎奮擊
敗之宗弼傳均未載
冬十二月乙亥宗弼上言宋

將岳飛張俊韓世忠率眾渡江詔命擊之
攷異續通鑑本末補

紹興十一年命張俊楊沂中率師赴淮西岳飛進兵
江州無世忠忠率眾渡江之文史遺沂中而稱世忠疑
是傳聞之誤按紹興十一年係皇統元年趙彥衛雲
麓漫鈔云建炎時韓岳軍最精時於軍中角其勇健
者另爲籍以次遞升別置親隨軍另謂之背嵬軍悉
於上等入內角其優者補之一入背嵬諸軍統制而
下與抗禮犒賞異常凡遇堅敵無不立破見范參政
致能說燕北人呼酒瓶爲嵬大將之酒瓶必令親信
人負之范嘗使北見道中人有負罍者則指云此背
嵬也故韓岳因以名軍嵬卽罍北人語訛故云韓軍
誤用字耳周密癸辛雜識云周益公日記楊存中人
呼爲髯閻以其多髯而善逢迎也王梅溪集亦同

皇統元年夏四月辛巳宗弼請侵宋從之秋七月丙

午以宗弼爲尙書左丞相兼侍中都元帥領行臺如

故遂率師渡淮宋乞罷兵以便宜畫淮爲界

攷異薛應旂通

鑑云春正月乙卯元尤犯壽春初元尤謀再舉聞諸

將還遂引兵陷壽春渡淮克廬州取商州命諸將赴

援屢敗金兵二月王德拔和州元尤退屯昭關商守

邵隆破金人於洪門復商州金爭和州俊敗之王德

敗之於含山關師古敗之於巢縣德復含山及昭關

崔皋敗之於舒城丁亥楊沂中劉錡大破元尤於柘

皋時元尤以柘皋地平利用騎因駐師錡夾石梁河

而陣沂中引兵會分爲三渡河進擊元尤騎兵十萬

分兩隅德直犯其鋒諸軍繼之敵大敗又追破之於

東山死者萬計又敗之於店步復廬州熊克小紀云

時壽春守孫暉與統制雷仲棄城去廬州守陳規卒

故二城皆陷劉錡至廬州敵騎大集錡少退以避其

鋒繼屯東關遇敵衝軍勢復振俊遣姪子蓋及王德

復和州追至全椒敵引去趙密出六丈河邊賊歸路

錡與烏珠遇據柘皋夾道而陣德與田師中渡橋合

擊俊軍繼至敵大敗復廬州詔諸將捷音繼至軍聲

大振兵興以來未有今日之盛知福州張浚以緡錢
六十萬助軍詔獎之浚兵入萬皆精銳號鐵山軍三
月濠州陷王進被殺浚會沂中追敵遇伏德救免詔
飛引兵援淮西以糧乏爲辭及濠州破浚檜皆恨之
檜用范同計召諸將還罷其兵柄令列校各統所部
得專達曰統制御前軍焉又万俟卨謂飛倡言棄兩
淮均不可信時飛與浚在鎮江閱兵乞罷除宮觀時
淮西遇敵力戰死者尚有劉實南宋書濠州之陷邵
青死之張宏戰沒於沂陽溫特赫富拉塔傳龍州人
皇統元年從宗弼南侵留軍唐州擊敗敵衆復破大
名軍數萬討平邳州土賊二十萬南京路遇敵兵二
萬擊敗之仕至泰寧節度毛頊傳字仲權甘陵人皇
統元年權知拱州宋張俊據亳州柘城海鹽房人傑
叛應碩討平之復柘城卒官南京轉運使李心傳朝
野雜記云紹興初內外大軍凡十九萬四千餘而川
陝不與宿衛神武右軍中軍七萬二千八百張俊將
左軍楊沂中將中軍江東劉光世淮東韓世忠湖北
岳飛湖南王瓊四軍十二萬一千六百尋併神武中
軍隸殿前而右軍如故五年春瓊罷以萬五千歸張
俊由是三衛外有韓張岳三人今鎮江大軍韓氏部

曲也建康大軍張氏部曲也鄂州大軍岳氏部曲也
至三衛諸軍殿前司則本辛永宗中軍部曲而益以
他軍也馬軍司則本王彥部曲而益以解潛劉錡田
晟軍也步軍司則本顏漸部曲而益以他軍也馬步
二司不能敵殿前之半故楊存中權勢獨盛若御前
軍但供廩役如昔廂軍爲武臣差遣興州興元府金
州三都統司兵本曲端吳玠關師古之徒後皆爲玠
併共七萬人至乾道末籍存者凡九萬七千三百零
歲用錢千七百八十七千一百四十二緡糧百五十
八萬七千六百七十三斛李大諒征蒙記云時兀朮
諸軍飢苦深懼宋師渡江不擊自潰但用一檄書下
宋取捷自詡爲萬世不傳之策迨病篤猶慮南軍精
銳有心爭戰將來不能制禦可輔天水郡王安坐汴
京併力破敵云云續綱目和議成作十一月事地理
志作十月今
從宗弼傳

三年春二月宗弼入朝詔監修國史賜以人口牛馬
各千駝百羊萬仍每歲宋幣內給銀絹二千兩正初

和議成拜太傅賜金券至是表乞致仕優詔不許

七年秋九月以宗弼爲太師領三省事都元帥領行臺如故

八年秋八月戊戌宗弼進太祖實錄帝焚香立受之

冬十月辛酉宗弼卒大定中諡忠烈配享太宗廟

廷攷異繫年要錄云沒於皇統五年李大諒征蒙記云贈大孝昭烈皇帝元一統志燕舊城仙露坊有玉虛觀舊碑金泰和八年主事龐鑄所撰重修三清殿記文簡理明觀中有故太師梁忠武王祠堂王諱宗弼乃武元第八子泰和四年八月道士高守冲爲立碑文亦鑄作至元七年建玉虛觀大道祖師傳授之碑參政楊果撰蕭挺書觀在今罐兒衚衕已廢惟明胡濙李錦二碑尙存乃景泰中立非正統中也見日下舊聞考洪邁夷堅志云兀兀有妃耶律氏方願修額明眸華髮權畧過男子兀兀敬畏之遼末爲常

勝軍校龐太保妻嘗詣燕山樂先生問命卦成決其
有后妃之貴後歸元朮封越國王妃云先公在燕時
熟識其狀子奉使日接伴使日工部侍郎子亨本名
龐顯忠蓋耶律氏在龐時生也本傳未載子亨本名
伯特原作李迭攷異汪輝祖金史同名錄云卷五海
陵貞元二年通進被殺卷十四宣宗貞祐四年

翰林學士卷七十四宗望傳遼節度卷八十一大名
尹景國公亦作勃迭耶律氏卷九十四瑤里氏崇義
節度卷一百三十三窩幹傳大封芮王海陵以爲右
定初昭信校尉七人同名李迭

衛將軍海陵恩太宗諸子因謁太廟賜亨良弓衛左

右亨性直材勇絕人辭曰弓弱不可用遂忌之出爲

眞定尹歷留守家奴梁遵誣告亨與衛士符公弼謀

反案驗無狀遵坐誅益爲所忌改廣寧尹使李老僧

圖之家奴魯爾錦

原作六斤攷異汪輝祖金史同名錄云卷六世宗紀故吏卷七十四

宗望傳遼詳穩卷九十八完顏綱傳泰和六年隊校

僕散氏卷一百三烏古論禮傳本名河東北宣撫卷

一百五溫達罕締達傳大定十九年內直丞卷一百

二十二烏古論德升傳本名左監軍本卷完顏氏宣

宗時保大節度卷一百二十九李通傳海陵末契丹

賊邊氏又至寧元年提控宿直將軍從亂一五十戶

不肯從亂後官鈐轄均蒲察氏因與亨侍妾私通告

並見執中傳十一人同名六斤其謀逆榜掠不伏

本傳勒是獄者為工部尚書耶律安禮大理正圖哩攷異圖哩本作

武里卷三太宗天會九年將武里另一人老僧至囚所使人就其陰間殺

之比死不勝楚痛聲達於外嗣并殺其如圖克坦氏

次如六氏子音德原作羊蹄攷異等三人大定初追

復亨官爵封韓王併妻子改葬之攷異大金國志云

烏陵思謀本北遼

曷蘇館女真字仲遠官寧遠大將軍沁南軍節度兀

朮為元帥時凡軍國大事皆委之又韓常燕山入字

元吉官萬戶都統兀朮南侵常爲先鋒果有功在陝
數年每役必從後知潁昌府熊克小紀云金人近歲
用兵多不利始知憚中國時遼軍萬戶韓常爲濬州
守與判官宮茵論南北兵戰之事茵曰此非南之所
能敵茵益都人蓋諛之也常曰不然今昔異勢昔我
強彼弱今我怯彼勇所幸者南人未知北間事耳張
滙節要云思謀小名撒廬母從粘罕爲都提點用爲
腹心粘罕死嘆曰可惜官人備歷艱阻以取天下今
爲數小子所壞我未知死所矣後事兀朮妻曹氏乃
彬之裔也李大諒征蒙記云兀朮死後天德三年誅
韓常周榮等四十餘員內多有親立戰功者繫年要
錄云烏陵思謀卽烏凌噶色埒美韓常慶和子史均
未立傳瀛洲道古錄云元時翰林院以金烏珠第爲
之歐陽楚公詩曰翰林老屋勢深雄猶是金家兀朮
宮是也史
亦未載

金史紀事本末卷二十

金史紀事本末卷二十一

貶封資政大夫 特賞內閣中書前江西峽江訓導萍鄉李有崇編纂

田穀之獄

熙宗皇統元年秋七月丙午以宗弼爲尙書左丞相兼侍中都元帥領行臺如故

六年春二月尙書左丞相韓企先卒

七年夏六月丁酉殺橫海軍節度使田穀左司郎中

奚穀翰林待制邢具瞻

攷異元好問中州集具瞻字巖夫遼西人天會二年進士

與吳蔡爲文章友其出塞詩曰樓外青山半夕陽寒雅翻墨點林霜平沙細草三千里一笛西風人斷腸史未載及王植高鳳廷王攸趙益興冀夷鑒等先是韓

企先爲相拔擢一時賢能皆置機要田穀與孟浩皆在尙書省穀爲吏部侍郎浩爲左司員外郎旣典選善銓量人物分別賢否所引用皆君子而蔡松年許霖曹望之皆小人求與穀相結穀薄其爲人拒之松年蔡靖子失守燕山敗宋國穀譏斥松年松年初事宗弼於行臺省以微巧得幸宗弼當國引爲刑部員外郎望之爲尙書省都事霖爲省令史皆怨穀等時毀短之於宗弼凡與穀善者皆指以爲朋黨韓企先病甚宗弼候之時穀在企先所聞其至知其惡已避之宗弼曰丞相年老且疾病誰可繼承丞相乎企先舉

穀而宗弼先入松年等譖謂之曰此輩可殺穀聞流
汗浹背企先卒穀出爲橫海軍節度使選人龔夷鑒
除名值赦得與覃恩吏以夷鑒白穀穀乃倒用月日
署之許霖在省典覃恩行臺省工部員外郎張子周
素與穀有怨因事在京師知之嗾許霖發其事詆以
專擅朝政詔獄鞠之擬穀與奚穀邢具瞻王植高鳳
廷王儼趙益興龔夷鑒攷異畢沅續通鑑王儼作王敬夷鑒作龔鑒死其
妻子及所往來孟浩等三十四人皆徙海上仍不以
赦原天下寃之攷異劉祁歸潛志云穀等好分別流品謂松年失節望之俗吏霖小人屏不用皆恨之會企先卒穀等失勢三人趣遼王宗弼起黨事奏聞熙宗曰黨人何爲曰黨人相結欲反耳

卷之二十一

二

熙宗曰若爾當盡誅之遂收下獄且違捕四方黨與
每得一人先漆其面赴訊使不相識撈掠萬狀鼓具
瞻死獄中三人皆進用所載較詳王寂拙軒集先君
行狀云知真定府平山縣秩滿赴行臺吏部王植王
徽輩一見喜曰吏部知公廉士久欲改官當從此著
鞭矣辭以疾除唐縣令退謂所知曰田侯疾惡大甚
怨隙已成其能免乎未幾果起大獄按寂父諱礎字
鎮之大名華人也伯特德哩布傳原作伯德特商補
奚五王族人國初與父托卜嘉歸朝從宗望南侵別
次安肅州大破宋兵取其城討平羣盜擒降將胡愈
擢涿州刺史入爲工部郎中從張浩營東京宮室田
鼓黨事起朝省一空攝行六部事終崇義節度紀未
載按卷一百二十九李通傳松年用是遷左司員外
海陵時護衛特商補另一人松年用是遷左司員外
郎海陵立累遷戶部尙書海陵遷中都徙權貨務以
實之復鈔引法皆用松年謀及議南侵命爲正旦使
使宋嗣進右丞相封衛國公正隆四年死謚文簡望

之宣德人擢行臺吏部員外郎歷戶部尙書霖以諂

事海陵仕至左宣徽使世宗立黜之放歸田里

攷異劉祁

歸潛志云松年在相位其後晨赴朝上馬見穀召辨

左右聞松年云某當便行望之在吏部廳事亦見穀

召辨二人由此死而霖病創頸斷死天之報施亦顯

矣哉大抵類田蚡灌夫事也史未載然祁當代人所

言當不妄故附錄之以昭炯鑒元好問中州集云松

年字伯堅父靖官翰林學士松年工樂府與吳彥高

齊名號吳蔡體有集行世其鎮陽別業有蕭閒堂自

號蕭閒老人廣平王擴字充之明昌五年進士官陝

西轉運使行六部尙書嘗疏言大定間曹望之爲戶

部天下倉廩府庫皆實百姓無怨歎之聲存乎其人

不在改官稱也今乞罷三司仍復戶部之舊毋駭初

民聽可也據此則望之亦似有才能者擴諡剛毅初

世宗在當時知穀黨事皆松年等構成而黨人遇天

德赦令還鄉里多物故惟孟浩與穀兄穀王補馮煦

王中安在大定二年召見復官爵浩字浩然灤州人

遼末第進士天會中由令史歷郎中至是擢侍御史

復拜右司員外郎進尙書右丞兼太子少傅罷爲眞

定尹卒官性篤實遇事輒言無所隱世宗嘉其忠每

稱之穀自大理寺丞累官同知中京留守終利涉軍

節度使補官工部員外郎煦爲工部主事中安知火

山軍事攷異王賁傳字文瑞宛平人父中安第進士

使賁第進士終南京按察使弟質亦進士官禮部尙

書元好問中州集時濟南李之翰字周卿宣和末擢

第仕國朝守甯州陷教黨籍除名徙上京遇赦復官

仲東京倅有漆園集行世子靈石尉謙孫德元又王

國城會赦還世宗立復官終永定節度使史均未載

迨章宗卽位詔尙書省曰故吏部侍郎田穀等皆中正之士小人以朋黨陷之由是得罪世宗用孟浩爲右丞當時在者俱已用之亡者未加追復其議以聞時顧命大臣張汝霖其父浩素與松年友善力阻之而止汝霖沒章宗復詔曰田穀黨事之後有官者以爲瑣惟務苟且習以成風先帝知其無罪錄用生存之人有擢至宰執者其次有爲節度防禦刺史者其死者猶未追復尙在編戶朕甚憫焉宜並加恩卹以屬風俗據田穀一起人除已叙用外但未經任用身死並與復舊官爵其子孫坐此事削除官職者亦與

追復應合追復爵位其子孫不及蔭叙者亦皆量與

恩例

攷異劉仲洙傳鼓等黨事廢錮者三十餘家仲洙知其冤上書力辨帝從之迺復叙官爵而黨

禁益解紀未載仲洙字師魯宛平人第進士性剛直

果於從政尤善治民爲一時能吏歷官定海節度使

亦見本傳同時李完字令道馬邑人詞賦進士歷陝

西轉運使亦長於吏治馬百祿字天錫三河人父柔

德天會初第進士歷修撰坐田穀黨免官世宗朝召

用百祿登詞賦進士終南京提刑以剛直廉幹聞楊

伯元字長卿尉氏人第進士以才幹多被委任終安

武節度劉璣字仲璋益都人第進士官太常卿兄琬

字伯玉官定海節度弟璋太府監康元弼字輔之雲

中人正隆進士終南京轉運使伊喇益字子遷中都

路人以蔭補官終河東按察使國史均有傳

金史紀事本末卷二十一